

Gienh Saeh Gamjdoengh Ndeu

上林县大丰镇中心学校四(2)班 Cwnz Fubinh /陈富斌

Ndwenngoenz gvaqbae lumj raemxlae, hawj gou geiq mbouj ndaej saeh gaxgonq lo. Hoeng miz gienh saeh ndeu, moix baez ngeix daengz le, ndawsim gou cungj raeujrubrub hwnjdaej.

Miz ngoenz ndeu banringzgvaq, daxmeh heuh gou cuengqhag le gag naengh gunghgyauhceh ma ranz. Gou sim diuqbubbub, lau swheij mbouj rox naenghci, hoeng ciuhvunz raeuz haujlai saeh cungj miz baez daih' it, gou couh daih' it baez gag naenghci bae ranz ba.

Cuengqhag le, gou daej daengz gunghgyauhcan, ndaw fwngz gaemdawz mbaw 5 maenz ngaenz ndaetndaet bae, gou hawj swheij baemheiq: Mbouj lau, cijdwg naengh gunghgyauceh, miz maz dwglau ne? Seizgan miux gvaq faen bae, mbouj rox seizlawz, gvaqbae 40 faencung lo, gunghgyauhceh vihmaz lij mbouj caengz daej ne? Gou gip baenz soh caemq din. Mbwn menhmenh laep lo, gou ndawsim engqgya lau lo, daengx ndang cungj saenzdaeddaed bae.

Seizhaenx miz gvaq ci ndeu hai gvaqdaej, gou laihnaeuz dwg gunghgyahceh, fwd soengz hwnjdaej, yungh rengz gaemndaet mbaw 5 maenz ngaenz, yaek hwnjci bae. Hoeng gvaq ci neix mbouj dwg gunghgyauhceh, ndawsim gou couh lumj aen giuznaeng deng cim camz nei, daengx ndang cungj unq liux lo. Mbwn yied daej yied laep, gou cungj mbouj rox baenzlawz guh. Sawqmwh, miz gvaq ci ndeu youq henz gou dingz roengzdaej, bouxswghih iet gyauej okdaej, heuh gou naeuz: "Daegnuengx iq ha, hwnj daej ba, gaej youq gizneix caj lo, seizneix mbouj miz gunghgyauhceh lo, gou soengq mwngz baema ranz." Gou mizdi lau, ndawsim naemj: De dwg mbouj dwg bouxyauehvunz, langhnaeuz dawz gou bae gai, baenzlawz guh ne? Swghih lumj yawj ok ndawsim gou ngeix gijmaz nei, naeuz: "Cuengqsim ba, gou mbouj dwg bouxyauehvunz." Gawq vah neix couh lumj naed ywdinghsim, gou yawj dwk aen da swghih caensim dahraix, yienghneix gou couh yamq din hwnj ci lo. Youq gwnz ci, swghih cam gou



ranz youq gizlawz, heuh gou naengh ndei. Doeklaeng swghih soengq gou ancienz daengz ranz lo. Muengh dwk gijngaeuz swghih haici lizbae, ndawsim gou gamjdaengz raeujrubrub. Aen seiqgyaiq neix dwg vunzndei lai ha.

Gienh saeh neix gvaqbae haujlai nanz lo, hoeng gou cungj geiq youq ndawsim maenh bae, neix hawj gou ciuhvunz lumz mbouj ndaej.

(lauxsae son'gyauq: Vangz Gveiyangh/黄桂香)



Caeuq Daxmeh Doengzcaez "Hwnjban"

Ngoenzsinghiz, daxmeh deng bae gunghsw h gyaban, gou caeuq daxboh doxyaeng, doengzcaez riengz daxmeh bae "hwnjban", caenndang bae yawj daxmeh hwnjban nyaengq guh gijmaz lai.

Ma daengz ranzbanngoeng, gou yawjraen gwnz daiz daxmeh cungj dwg bouhsoq, gwnzde raiz gij soq ndaej deihdwddwd bae. Gou gaem hwnj bonj bouh ndeu cam daxmeh: "Gij cihsq neix dwg gijmaz eiqsei?" Daxmeh biengj hai yieb daih' it naihsim lwnh gou, gijneix cungj dwg moix ngoenz gij soq baengz haeujcang. Daxmeh vix aen cihsq 2 hangz daih' it, lwnh gou aen neix eiqsei dwg singhgizit haeujcang 2 fanh mij baengz. Gou raen hangz daihngieih dwg 5, hangz daihsam dwg 4, itcig daengz hangz daihcaet, yienghneix couh geq hwnjdaej: 2, 5, 4, 2, 6, 8, 5. Daxmeh raen gou geq ndaej hwnjyinx, cam gou: "Mwngz suenq ndaej ok aen singhgiz ndeu gungh haeujcang geijlai mbouj?"

Gou cingq nyeng gyauej naemj dapanq ne, daxboh gvaqdaej gyawj naeuz:

"Menhmenh guh, gaej gaenj, raeuz baenz aen baenz aen gya soq." Gou raiz sojmiz cihsq roengz gwnz ceij bae, lied ok aen suenqsik: $2+5+4+2+6+8+5=?$

Raendaengz aen suenqsik baenzlai raez, gou cingq dajsuenq baenz aen soq baenz aen soq gya hwnjdaej, sawqmwh naemjdaengz lauxsae gangj gvaq "fap gap cib", suenqsik ndawde 2 caeuq 8, 5 caeuq 5, 4 caeuq 6 cungj ndaej gap baenz 10, itgunh miz sam aen 10, doeklaeng caiq gyahwnj 2, gou miznaj dangqmaz lwnhnaeuz daxmeh gungh haeujcang 32 mij baengz.

Bonjlaiz muengh naeuz daxmeh haengjdingh haenh gou suenq ndaej vaiq, siengj mbouj daengz daxmeh dauq riuhaha hwnjdaej, nanzdauh dwg gou suenq loek la? Daxboh youq henz hix riu naeuz: "Aen singhgiz ndeu ngamq haeujcang 32 mij baengz, danvih yaek daiiek lo!" Dingqnyi daxboh yienghneix gangj, gou sikhaek mingzbeq lo, gipmuengz sing hung dwk niujcingq naeuz: "Dwg 32 fanh mij baengz!"

(Yenz Yihnoz raiz Ouh Caijfangh hoiz)

Seizcin Daengz Lo

Seizcin daengz lo, gou daej daengz ndaw gunghyenz, henz dah iq haenx daeggo faexliux caeuq gou vad fwngz, dahcej vadauz doq dawz gaiq gabbwn daiq coq gwnz gyauej, doq gag naeuz: "Gou gyaue baenzneix, baenzlawz mbouj miz vunz caeuq gou doxbeij baez ndeu?" Gou haeuj ndaw gyoengq caz va bae, doengh duj va iq vava loegloeg haenx cingq doiq gou riunyumj, doengh go rum iq heuoiq haenx riengz rumz ngauz bae ngauz dauq. Gou daej daengz ndaw suenbyaek, doengh go byaekyouzcai henjgim haenx fatok heiq hom mbouj daengx, gou simmaez lumj laeujfeiz youq ndaw seiqgyaiq heiq hom dohdaengz neix.

Seizcin daengz lo, gou yaek lwnh daegnuengx duzgoep, mwngz gaenq mbouj yungh ninzdoeng lo, vaiq di okdaej ciengqgo ba! Gou yaek lwnh bohlungz faexhung, mwngz ndaej rieg gienh ndangdaenj moq saekheu haenx la! Gou hix yaek lwnh gyoengq doih iq dwggayez, vaiq di duet ndangdaenj seizdoeng naekgwd, caeuq gou doengzcaez bae rogranz cuengq yiuhrumz ba!

Seizcin caen gyaundeil!

(Ouhyangz Yihingh)

